

王國朝先生集

王國朝先生集集成

王國朝先生集集成
王國朝先生集集成

中國地方志集成

安徽府縣志輯 ⑤④

嘉慶績溪縣志

民國寧國縣志



江蘇古籍出版社 ● 上海書店 ● 巴蜀書社

責任編輯 王 劍
封面設計 范一辛
美術編輯 姜 嵩

中國地方志集成

安徽府縣志輯⑤4

出版發行 江蘇古籍出版社

社 址：南京市中央路一六五號

發行部電話：〇二五—三二二三四六一

郵 編：二一〇〇〇九

印 刷 上海市印刷七廠

定 價 二九九元


1998年4月第1版第1次印刷

ISBN 7-80643-015-6/K·15

ISBN 7-80643-015-6



9 787806 430156 >





清世沈沈有寧國府以寧國縣名
 清朱府廢而縣專其名比于宣城
 治諸縣風俗彌樸康熙時嘗修縣志
 比道光又重定之曾洪之難道光志誠
 毀其殘卷僅存者而康熙志獨不壞
 民國興有今縣史增修以上縣志供

其費揚也嘯天侯者也獨以家財任之
 事始得舉其愛復桑梓而為伊其
 文獻之心豈非過人遠甚矣哉嘯天
 名虎送孫公舉義有功及荆共居索
 尤任事以修石朱朱改為述其始末
 云民國廿四年二月章炳麟識

世所艷稱之史家推子長永叔論史者曰班失
 同曄失誕陳壽失之誣陸機干寤失之謬餘紛
 紛無足論癡索之見恒不一二怒焉甚矣其難
 已劉知幾曰不兼才學識三長曾鞏曰不能明
 足周萬事理道足適天下用智文足以知難知
 察難顯均不克肩史任若夫是非之公權衡至
 當禹不能廢鯀管蔡不能貶周公趙盾崔杼不
 能奪董狐南史之書簡抑又非朱金丁米可同
 年語也史然志亦何莫不然寧國縣志明清相

繼數有修自道光及今百十二年或兵燹見厄
 或絀於力訖不舉楊中委嘯天寧人也少負大
 志以軍批儀弼自方羽翼黨國為革命之鉅傑
 多樹展肇和之役史所大書特書者然平生德
 義任俠相高尚敬恭桑梓倫執前人利鄉與公
 益事累舉而不一舉不沾沾自標異性使然也
 文獻一端尤所心注而思存每退食與予縱譚
 上下古今興廢治亂沿革之典要輟謂國有史
 家有譜邑有乘皆所以網維天下之風俗而陰

行其法度以統人心而治畔散於無形且示後世以孝悌忠信禮義廉恥之坊繩邇者譜修矣乘尚闕如民國二十三年夏雲濤徐子自宛陵來以續修縣志之詞進中委則躍而興曰今庶幾可又竟吾一志矣修廢舉墜匪異人任也捐貲畀徐子往治約予總其成中委予河汾房杜交也不可卻予以戎馬書生馳騁長江大河南北陰山紫塞外垂冊載今老矣韜影淞濱飄放過昔文不在衰業不加進茫然不自知鍼刺之

著體也益凜於劉知幾曾鞏之言莫之敢櫻太史遷歐陽廬陵負乎遠哉肩背不可望班擘諸人之所失即亦非後人所易妄得甚矣其難已夫目能見千里而不能自見其睫往往也溫公作通鑑曰無復首尾又曰其間抵牾不敢自保別風淮雨障扇胡餅刊疑摘謬之加仍有待後之君子抑余有言何法盛晉中興書載瞿劭先生住文春山桓溫嘗造之見其披鹿裘坐石室神色無忤微不起愛文春山水獨超絕終隱於

山中皖南多佳山水黃山九華其著者脉屬西北崑崙之南支為中國南嶺大幹文春又黃山九華而支出也其不著者奇突尤勝於其著者正其所以著也人莫之測也間氣蟠結宜其發撫而光大之之代有人歟

中華民國二十五年六月昇州李丙麈仲丞序



序

邑志國史之權輿也統志裁
於省志省志裁於邑志邑志
由來尚矣古者列國皆有史
社紀錄於志周官小史掌

寧國縣志 卷首 揚序

邦國之志外史掌四方之志
後世郡邑志著於此各寧
有志遠邦徵少近則勅於明
正德成於嘉靖清時以治康
熙乾隆道光亦有道光緒經

今百餘年溯為寧隸高貞
揚州地為丹陽郡東接天目
南踞龍業曲北環紫山文脊
岡巒洞壑之奇岷不少磅礪
清淑之氣為洩凡文章典

寧國縣志 卷首 揚序

物規步獲驟恢魄傷異云
士張翼疑角奮功名恆於
其才與志始耀矣代之三隱
君子或嘯歌偃仰岳岵岸
高固坐石不擬溪毛憑市

今古徜徉山水終其身去就
倖於世迪後峻峭孤况自賞
又為勁草古陸貞松有心為人
於重難惜不忍其不存又為吉
小靈碣湯盤孔昆岐陽之鼓

之屬皆與時俱頹何其盛之
任其久而風霜兵火澆淪磨
滅散棄於巔崖墟莽之
間不收拾網羅於飄去抑又何
其疎之太平軍興往來縱橫

角迹江浙之衝寧邑為孔道
文士特從文獻蕩然安集餘
讀耕漸渚同治時、削稿得
若干卷未刊行光緒時再削
稿亦若干卷何未刊行元氣

不充成瘠於修廢舉隊之
未易鄉宿舊有志而莫達
者往矣或阻隘事勢或艱
於賞功迄不藏于以守人勳力
革命垂之十載於井里間、

見、豈非親炙崇慕道
家砥礪夙節且思有以振
末晚出自至性之流露不自知
其翕然油然而周而不獨殷
梓桑然之若首忠孝以仁愛

寧國縣志

卷首

揚序

五

次信家次和平以沐各黨教
澤有年矣曰禮曰義曰廉曰
恥涵濡於被國維之領導更有
進矣非敢榮飾者譽毀裂防
維效法以畫併倪緩崇崇嶺

凍者之計為之民國律造吾
晚立通志局閱寒燠若促如
縣以也志為省志先甚暨事
六九事之不刻緩其治事小
周濟則言往行流風壯降哀

寧國縣志

卷首

揚序

六

旺之故山川陵谷之交易信教
禮樂事書物去之沿革與廢
去以志去古人盡邈遠矣何以
遙集古人而為代一室引于
維志之修不必其教忠孝教

仁愛教信家教和平。然正
以教忠孝教仁愛教信家
教和平。不必其教於教家
教廉教即此正以教於教
家教廉教即此。凡隨後核

流瀄。披靡不。終日也。志舉
庶幾於也。文化有一。三補款
抑不止於此。或未有知。之邦人
君子責於予。樂古人道。家
風節。之著於編。更。之仿。人生

崇慕砥礪之心。更。仿。予崇慕
砥礪之心。嚮往而。不已。且更。以
藏鄉。宿舊。不藏。之功。予。烏
實。辭。中。華。民。國。二。十。五。年
六。月

毛人楊虎撰



纂修姓名

總修

李丙塵

字仲丞
江寧人寄皖

分校主任

徐雲濤

邑人

採訪

徐雲濤

邑人
採訪

鄒謙

邑人
採訪

章沅東

績溪人
採訪

胡榮庭

邑人
採訪

寧國縣志

卷首 纂修姓名

方文浩

邑人
採訪

史振起

壽縣人
採訪

程年裕

邑人
採訪

陳述啓

邑人
採訪

校對

張東林

邑人

胡士琦

邑人

繪圖

胡榮庭

邑人

胡洪釗

績溪人

收掌

謝子城

邑人

繕正

胡文華

邑人

議修

王式典

長縣人

捐資主修

楊虎

邑人

捐資助修

葉汲三

邑人

寧國縣志

卷首 纂修姓名

張煥新

邑人

贊修

汪鴻猷

以下皆邑人

方城

董協中

吳維翰

江國霖

江國馨

吳之彥

江世澤

汪丙震

陳道富

吳覺民

劉永福

方用中

任靖寰

毛家崑

胡 斌

方時傑

明嘉靖志序

邑之有志所以察沿革鑑古今覈出納審利病大都主於彰善而瘴
 惡使衆知所向方蓋古列國之史也寧國之為邑入本朝為圻輔地
 而百六十年文獻無足徵者正德癸酉謝尹賜始草創之己卯王尹
 時正延進士梅鶴編校之嘉靖乙酉董尹槐延舉人袁澤搜訪之咸
 未克就嘻何其難也歲丁亥孟夏巡按李公儼憐是邑廢弛徵寧國
 郡幕胡君子亞往署之至則詢志闕狀亟如梅氏求稿得之又募父
 老以殘簡斷錄來獻遂屬司教王君時剛偽削疑以定義例參諸僚
 彥徵諸隱逸分類而評隲之踰月而告成又何其速也胡君馳百里
 以文為請曰是非予亞所能為也羣有司羣文學羣士民皆欲修之

以補其缺若飢渴之於飲食也子亞特乘其機而成之予曰機之時
 義大矣有必為之志雖艱且大者可以幹旋而底於績無其志而以
 怠荒乘之則近且小者坐失機會而償矣是志之修得非諸君感悟
 之大機乎自有邑以來吏於土者衆矣產於土者益衆矣而登於志
 以膾炙之者幾也均人之形或為世膾炙蕪蕪若鳳麟或為世唾罵
 泯泯若蛇蚓是不可以惕然思乎乘是機而用之師其善而改其惡
 是不可泯然成乎雖然寧國之為邑川壤雖僻固吾孔子過化之地
 也聖人之盛德光輝當時傾而仰之故巷曰夫子井曰孔子關曰孔
 夫歷數千載而弗謏今讀其書誦其詩瞻其宮牆并覽其舊所經遊
 儼然如接聖人親炙之也聖之形與性固與我同類者是志之闕則

銳然思補之吾形之全而弗踐吾性之全而弗盡是獨可以恬然而止乎羣有司羣文學羣士民其尚從事於聖人之教若飢之思食渴之思飲好善而無尚之惡不善而不使加乎其身使政教風俗炳炳光於方策又一變至道之機也後之膾炙於今不猶今之膾炙於古乎予嘉胡君銳然補志之心而以踐形盡性之說告之固吾所深望於羣有司羣文學羣士民之心也嘉靖六年安福鄒守益撰

明嘉靖志范序

夫瓊瓊麗美允為池隍之寶椒桂揚芬詎匪山林之貴豈虛文以眩觀抑實事之求是蓋物假采以章施地因華而增實蔑彼光顯雖美弗知蘊茲粹貞經久則失故欲知幅員之限當先溯其運流觀人物

寧國縣志

卷首 舊序

二

之殊安可忘其速邇矧視聽之外研窮多遺心行之表簡冊斯傳哉是以懿德或茫昧而俱泯藝文或寂寥以同棄當時豈無可傳於今信不足徵可為長太息矣夫虎嘯而谷風生龍舉而景雲從蟲喧而阜蠢躍嶽動而鐘聲應有文必同有車必軌故細繆所感霧捲霞披嚶鳴以召星流電掣天下之至文也言之不可以已其在茲乎若夫稿華隱沒流芳歛歇一傳而闕再傳而殘三五傳而闕然隨以泯滅然則口授心傳不能綿久風體政績所以恆寒良有以也夫提封百戶其儉於寧文獻百年不延於昔抑書記奄亡於逸遠或疎迷屬責於賢哲且智周變化不為時窮思涉洪閭不為學困是以博洽之士俟物而遠流俊乂之材緣時而廣垂譬富人之食溫淳甘脆腥濃肥

厚譬願者之居蔚乎瑤如丹矚錦障子匪其人惟郡大夫和庵趙公

德施下邑事多足載二大夫竹山黃公首詢邑乘慨無足徵責在爾令麓泉賈公間因行縣戒使速就爾乃式重不聽細惟塞責臨而唯唯退以視草惟三十餘邑之孤城為南服三輔之要地厥壤厥田判別欲精原隰丘衍跨躡欲辨文匪數簿思匪湧泉述而不作彙以成編夫循虛器者非應物之具觀空言者非致治之機列曜臨雲不能垂照璞玉藏石不能吐輝故史不虛美昭若日星志在實存嚴於筆削土著斯辨識妙物之全功百為粗陳知治理之一致雖紆徐未覩逮於漢晉之文超忽罔適戾於班馬之奧譬諸棋局布列遇人逞巧博弈交互隨意適從觀風百里樹政萬氓有邑以來亦略表見矣如

寧國縣志

卷首 舊序

三

清順治志楊序

其組織大猷獻黼至治非曰能之以候能者嘉靖二十八年己酉八月知寧國縣事鄧縣范錫撰

夫信今傳後之典立教敷政之型托焉者不可一日不昭垂於宇宙也嘗仰睇象緯所布俯瞻山澤所通稽往古之經制禮樂者當代之風俗紀綱高深莫測綿邈難窮矣惟記言記事之書大之國史小之色乘乃生民之真血脈縣宇之大文章存之則天日常旦而不夜去之則人心雖靈而亦頽是以天下有一統志郡有總志邑有分志典甚鉅也茲茲土者可無加意哉不佞舊為繁昌長譯以調劇來寧始至之日考邑志蔑如也詢之耆於父老又茫如也搜索再四從民間

得嘉靖時范令刊本讀其綱目頗借為增潤之徑無何東華者以事
竣促余弁言簡端余因慨夫逃弁奔浙紆道宣寧狂鼓轟轟童叟震
恐四竄余殫力支撐徵召義勇拒殺相向方慮彼為處女之淹不意
竟為脫免之逝室虛燬墟郭丘墟當是之時余之焦心揮涕何如
也未幾隣郡介冑實偏處此樹柵建堡疲於奔命度劉無辜弛縱獄
禁一時閭閻如鼎之沸湯海之怒濤寧邑將為羅刹鬼國顧余滿腔
熱血願捐軀為民請而不可得幸雲霧迅掃再覩天日百姓逐余以
頭搶地余慰藉久之悲喜并集良以民遭重困辛苦墊隘無所控告
嗟余實甚余即為時艱所阻莫思拊循而一日在外一日之迴腸為
吾民慮危者益總總然念茲在茲釋茲在茲也寧處萬山叢中素

寧國縣志 卷首 舊序

四

號樓愿奈界接杭徽諸邑蠢爾頑民復窺入倡亂深谷嵯巖嘯聚大
送余更目擊心恫躬擐甲冑集殪逐臭之徒始波恬而霧散余至此
精神傾竭無餘矣乃於退食之暇取志書舊本與部內黃子元獻商
確探訪增潤一新而今閭里情狀官常政要一覽瞭然於是召子弟
而課之履田疇而清之循先賢芳模而效之探名勝遺跡而葺之禮
賢優老修廢舉墜為吾寧山川重開面目磨頑鈍而躋友順濯聲
而耀光明則邑乘一書固立教敷政所必資信今俾後所攸賴民生
有永存之血脉縣宇有不敝之文章余之所亟亟為寧邑補此欠事
者誠以關係若此其大耳順治四年三月初一日知寧國縣事蒲州
楊名遠撰

清康熙志序

(上缺)大江以南諸郡城星羅棋布在在雄封而宛陵則郡中一重
鎮也轄有六屬而寧邑則六屬之一境處偏隅土非中上不逼蕞爾
彈丸之區耳然而山川具在城郭具存其間若星野若民社若田里
若賦稅若關津若刑政禮樂若忠臣孝子與節烈賢士名媛悉皆昭
昭著著不寧惟是又若治若亂若沿若革以及若金石若草木禽
獸昆虫無一不有無物不繁雖即古之子男而感衰氣運未有不關
人事焉余叨守宛者三四載矣敷治聽政之下採風問俗之餘慍切
切然以鼓舞振興為志間與賓客父老輩或眺咏北樓或登敬亭麻
姑山巖把酒臨風極目望遠因指郡治東南迤邐而去約八九十里

寧國縣志 卷首 舊序

五

許想見其巍巍蓋蓋者非泰山尖文脊峯諸勝乎活潑潑者非石
湖潭落花溪諸奇乎為壙為埤如砥如矢而縱橫錯落中有鷄鳴狗
吠者非井閭宮室所託四境幅員之規模乎官於斯隸於斯者誠使
衣冠承或文物永昭安耕鑿而毅士女固有慶矣浸假不然人事或
缺保母氣運之不涉於數乎哉故未雨綢繆端有不可緩於鼓舞振
興者也而不意先得我心者是即邑宰陳君矣君以楚之鄉舉本所
學愛人之道攜琴鶴而蒞茲邑不三年而利興弊剔政舉教明擬循
良而報卓異復何有厥職之忝者乃心則未已念立功於一時不若
垂功於百世垂功於百世仍先立功於一時於是以立德為體立言
為用而播達其所立之功蓋邑原有志善本件謄挂漏既多煩雜不

少逆力取新舊事實補之刪之考之訂之又延湖南王子不石與邑之名彥同參互校條分而縷晰之稿成質余詳簡備至華實兼收洋洋乎其大觀也哉陳君亦可謂勤且慎者矣夫以修葺之舉或謀之庸庸因循者流未始不以數卷之書何關政治輕重第急其上下之交際應酬之文移專意催科了情故事已耳而抑知天地中之萬有萬類皆隨其化而過去不留者歟彼山川城郭之所括若某若某者苟無成志指陳其圖形約略其狀貌收拾其精英表彰其芳潔微乃踪驗乃跡溯乃本乃源併一切之可傳可記可怪可取者而不存一文獻焉幾何不令人致慨於草霜花露之隨化俱混乎善夫陳君之重修此志也洵為功於一時而即垂遠於百世者也而況志成付刊

寧國縣志 卷首 舊序

六

之後鼓舞所致振興所及有不地愈靈人愈傑風俗愈古樸淳龐而俾再後之事大書特書之不勝者耶幸矣余以守而值令如是亦與有榮焉矣安在萊爾彈丸之區不有助於職方之紀載太史之採訪哉而亦安得凡令類如陳君鼓舞振興之信人而不信數哉噫今而後謂宰邑君子即宰氣運君子也可是為序康熙五十二年癸巳十月知寧國府事嚴平佟賦傳撰

清康熙志陳序

民以邑糾政以志核舊也括地則整僻導荒搜神則剔幽鈞隱博物則雕生錄產記聞則琢古追今於是什伯其手軒輊其言始戒脫漏旋蹈惡濫二者之弊如環而生裁免駭其一車憐蛇炫其眾足借無

矜有不如示有若無碎玉貴於全瓦一腋重於千皮素少取多不如賤多珍少必藉藉禁禁節促促何異牽繫縷於雜絲聽細聲於羣鵲哉畫家寫像頭鑿其髮口盡其齒會撮頤隱乖亂物形此戒脫漏之流惡濫也境者壘墻寸叢其粉尺厚其坊側癩曲韃悖逆壁理此戒惡濫之必脫漏也我國家梯航崩角亥步非遠皮弁同文鬣頂悉紀矧聖天子睿藻日鑿古今書籍增輯奇編藏室殆過為大塊煥其光華詎神州或遺黑子夫志者志地維野地母也志地之毛髮維野毛髮地膚也志地之肖子維野肖子地育也志地之支庶維野支庶地行也氣薄土惡物肖其性必多搏噬氣靈德厚土孕胎教必吐精華故實本苗成實由愛出瑰異之犯形而祥畏佳之大圖而穴拔出

寧國縣志 卷首 舊序

七

毛角聲窸突咬宜也且甫申不借於華怪竹箭豈假於西北雖欲脫漏靈怪噴之雖欲惡濫鬼物叱之余宰寧伊始首檢邑書深慮洗滌沙汰之艱更畏曠括網取之略庚寅仲冬王子青原適從越至與共商之則筆則削以校以警始蓋購故而殘既過附來而雜誠累牘盈箱之是厭抑從繩就矩之有方并無可改邛迺迺異岐官不易民火難同水坎習其常溼豈混渭貢惟厭土揚不渝荆以嚴實也人不優孟教乃得真物非胡網齒奚折舊文如李赤莫誣白名行若曾參何嫌殺枉以辨贖也新故參半高下適可設局集邑之士薈焉訂焉兩閱週星始竣事稿就之夕寸比而尺較之少舊志十分之一莫或潔之罔不潔莫或簡之罔不簡要期當於小邑成書聊備編於一統咸

山輝矣然秀發所鍾每每後來居上願言積薪以俟君子

奇文遠韻半來碑碣流傳而詞壇將伯佐芷濱翁以牛刀奏割也若

鮑子明發仙子祖紳張子所勉華聞幽較訂要亦不得沒其秉懿
做好焉

湖南青原王為壤不石氏識

清光緒志稿例言

一郡縣志書各處不同地有異宜事有異制而書亦因之寧邑地僻
事簡志內門目班部皆參取通志府志及舊志斟酌變通或分注
以明所有或加按以存所疑附見各門俾便觀覽

一是書首輿地為地記也地之疆域待人而分山川待人而名規模

寧國縣志 卷首 清光緒志稿例言

二

制度於是乎始故營建次之郡縣既定設官師以任民事故職官

表次之養民教民官師之績茂矣故名宦傳附之民事首重乎養

故食貨次之溝洫與食貨相表裏故水利附之食裕而教興皆官

師責也故學校次之兵事亦受成於學故武備次之教養盡善人

材出矣故選舉表次之人物中有懿行奇節均宜表著也故人物

傳次之列女傳亦類次之藝文末務也又次之而以雜志終也

一建置代有更變茲援據志乘之例增沿革表以符志體

一沿革惟六朝時最難明晰沈約謂一郡一縣割成四五四五之中

亟有離合在當時固已識之矣茲據可證者補之疑者附註於下

一邑內古蹟茲摘通志所載以為本地名勝故附形勝一篇

一志載廢城故壘及名流遺蹟考沿革者所必資也分別存之疑者
不敢附會

一田賦為國用所出民命所關舊檔冊籍兵燹無存自同治初年清
丈後日開月墜迄未滿額謹就目前已徵者備載之未定者容俟
再補不得援為定例

附錄

一邑內公田均係開丈時邑人創立義舉以助公事所不及誠善事

也所有各田議定規條詳悉登載以為好義者勸

一邑內水利雖不多而興民利者必兼及之故增水利一篇並公溝

公渠附載於後

一文廟祭儀樂章及送學賓興諸儀雖各處所同然士子必能習於

寧國縣志 卷首 清光緒志稿例言

三

平時始能謹於臨事故從志例補載之

一舊志合士女為一門不甚雅馴茲將儒行義行獨行俱載人物門

另增列女一門凡才女節婦及女壽悉甄錄之

一婦女節孝在所必錄內言不出原無實事可徵迨舉報請旌類多

襲用套語而作志者難於一一標注惟貞烈必詳書之

一道光五年以前志書尚無可考惟各載序文一篇於前書後後之

君子追尋端緒可以得其略矣

一舊志僅存道光五年梁邑侯所修之書其板散失今所稱舊志者

即梁志也博採邑內耆宿傳聞并周子子美有拾遺一卷均文獻

之徵云

一舊志徵錄藝文太繁未合事備文減之旨然有其舉未敢廢也謹仍其舊

一舊志考核最為詳贖惟門類錯雜如橋渡亭廟廡載建置門舊志雜入山川門驛傳鋪兵應載武備門舊志雜入建置門似此者甚夥茲參諸史乘及各郡邑志略為更易以符體製

一重修經費不請於上台亦不取於鄉里官侯倡捐於前諸紳贊成於後其克葺善舉之功不容沒也附志於此以存其概姓名數目有原簿可攷

邑人周贊擬

寧國縣志 卷首 清光緒志稿例言

四

清康熙志纂修姓名

總修寧國縣知縣陳養元 武陵

協修王為壤 青原

分校張所勉 邑人

仙祖神 邑人

鮑明發 邑人

同治志稿纂修姓名 稿十卷殘闕未刊行

監修寧國縣知縣張達五 涪華

纂修舉人周贊 邑人

分校寧國縣教諭陶鴻儒 官渡

寧國縣志 卷首 舊志纂修姓名

收掌寧國縣訓導俞汝諧 秀生

管理局務文卷寧國縣典史李謙 榮源

採訪兼校對歲貢生徐振元 邑人

採訪江蘇候補府經歷周文淵 邑人

江蘇候補布理問方式瑛 邑人

光緒志稿纂修姓名 稿十卷多殘闕未刊行纂修姓名間有遺漏以稽索不全無從稽考

監修寧國縣知縣鄭思賢 河南

總纂青陽縣教諭周贊 邑人

分校寧國縣教諭余型 舉人

寧國縣訓導慶昌騏 舉人